

صافی : ۲۵

۱ کانون ثانی ۱۳۴۱

ن : ۲

# مخبر

اهموتی ، اجتماعی ، فلسفی ، تاریخی ، ادبی مجموعه دور  
شبیديك آیده بر لفر اولنور

## مدرجات

اسلام تاریخی « حسین جاہد بکک ترجمہ ابتدییکی تاریخ اسلام حقندہ انتقاد » یوسف ضیا  
ایران ماصالی . . . . . قریب حسین  
چولده برسجدہ . . . . . سمیر جمال آردہ نورس  
ایران ادبیاتندن نمونہلر « سعدینک طیباتندن » . . . . . نورالعربیہ  
آنادولودہ برکایت . . . . . م. شرف  
شیخ شامل . . . . . حمزہ  
جانی آلتدہ بر فیلسوف « آمیل سووستر » . . . . . عبدالحی هاری  
« بونسخده شیخ شاملک بر رسمی وارد » .

شہزادہ بائی : اوقاف اسلامیہ مطبعہ می

۱۳۴۱ — ۱۹۲۵

سنه : ۲

پنجشنبه

صافي : ۲۵



۱ كانون ثاني ۱۳۴۱

## ایران ماصالی

برو ارمش بر یوقش ...

« هیبة الله سلطان » سـدیرک یاننده کی ماصهیه دوغری ا کیلدی ومانی مینه لی بیوک  
ساعته باقدی؛ صو کرا ایچنی چکهرک یاصدیقلرک اوسته یاصلاندی. نه یاپه جغنی بیله میوردی.  
بونه بتمز، توکنمز بر کیجه یدی !

بر مدت بویله جه دالغین دالغین دوشوندی. حیران و متردد کیجه نک اوزون ساعتلرینی  
ناصل کچیره جگنی بیلمیوردی. نهایت صبر سزلاندی واضطراب درونه مغلوب اولارق  
عصبی بر حرکتله ماضه نک اوستنده کی مجوه چینغراغه باصدی وعقبینده اوطهیه کیرن  
نوبتجی جاریه یه کاتبه خانمی ایستیورم کیدک اویاندیرک در حال کلسین !.. امرینی ویردی.  
بر قاج دقیقه صو کرا کاتبه نستین خانم قویه اوره رق ایچرویه کیریوردی.

هیبة الله سلطان کنج قیزه تبسم ایدهرک نستین! سنی طاتلی اویقو کدن محروم ایتدم.  
بو بر خود بینلک، بیلیورم. فقط نه یاپه یم! کیجه نک سکونی اعصابه تأثیر ایتدی یالکزلفه  
تحمل ایدمه دم و سنی چاغیرتمنه مجبور قالدیم. هر کیجه کی کبی شیم یه قدر اوقویوردم.  
مطالعینه اویقومی قاچیردی. منوم آلمق ایسته میورم. ساعتلرده بر درلو کچمیور.  
صبح اولمسنه دهانه قدر چوق وقت لازم. نه یاپه جغنی بیلمیوردم. برکت ویرسون  
سنن خاطر مه کلدک. شویله یاقین اوطورده اویقومی کتیره جک برشی اوقو !

نستین سدیره یا قلاشه رق « بو کون ایچه جدی بر قاج کتاب کادی. بو هفته نک  
مجموعه لر ندمه مفید مقاله لر کوردیم؛ دینی، سیاسی، ادبی، اجتماعی خیلی کوزل شیلروار.  
اگر افندمن ارزو بیورورلر سه ... » دیه سئوال ایدنجه هیبة الله سلطان سوزینی کسه رک  
یوق یوق ذاتاً باشم بونلرله دولو. انصاف ایتده دهه ملایم ودها بسیط برشی انتخاب ایت  
دیدی. نستین دونر کتبخانه دن برایکی جلد چکهرک « اوحالده موافق کورولورسه بر آرز  
شعر اوقویه لم؟ شعر موسیقی کی نوازشکاردر، انسانک روحنی آهسته آهسته اوقشار.  
فضولینک دیوانی آچه لمی؟ یوقسه ذات دولتلری بر دیگرینی می ترجیح بیورورلر. » دیه  
سئوال ایدنجه هیبة الله سلطان اولا بر آرز دوشوندی و صو کرا جواب اوله رق یاننده کی غزته  
یغینک التندن بیاض مشینله غایت نفیس بر صورتله تجلید ایدلمش بر کتاب چیقاردی  
و مخاطبانه اوزاته رق، مؤلفی بونی بو کون کوندردی دهه کوزدن کچیرمه دم. بر ماصال

کتابی اولدینی ایچون اهمیت ویرمادم . بوافسانه لره محتاج اوله جغمی تصور ایتمه مشدم . شویله کلیشی کوزل آچ ده کوزیکه ایلک ایلیشن ماصالی اوقو « دیدی ؛ فقط قوزوم اولجه پنجره لری آچ که کیجه نك سریندکنی تنفس ایدلم ، باغچه نك رایحه سی ، چیچکلرک بوی لطیفی اوطه یی قاپلایوب اطرافزی استیلا ایتسین که تخیلاتزی دها شاعرانه برعالمه نقل ایتمش اوله لم . بلکه اووقت ماصالک مخیل قهرمانلری بزه اوقادار بیگانه کلز وروحلرینه دها یقیندن تماس ایتمش اولورز « دیه علاوه ایتدی .

نسترن پنجره لری برر برر آچدی . کیجه نك تکمیل اسرار آمیز کوزلاکی کورونمکه باغچه نك بتون معطر قوقولری اوطه یی آهسته آهسته احاطه ایتمکه باشلادی . آغاچلرک یاپراقلری ، داللری یواش یواش اوینایوردی . ارالرن دن وزان ایدن خفیف روز کارک صداسی ، صانکه مؤثر برکاک اینی کی نسترنک سسیله هم آهنگ اولیوردی . هییه الله سلطان بیاضدیقلرینه یاری یاصلامش ، روحنواز برسسه قراسته باشلامش اولان کاتبه یی درین بر دقتله دیکله مکه قویولدی . نسترنک بلافاصله باستدن نهایتنه قدر اوقودینی « قیریق قنادلر » ماصالیدی :

### قیریق قنادلر

حربیه ناظری حاجی رستم پاشانک ، کریمه سی ژاله یه مخصوص انشا ایتدیردیکی کوشکک تفاسی دیلارده داستان اولمشدی . اصفهانک خارجنده وشهره پک یقین برموقعده بولنان بوخارقه کزیده ، جسم بر باغک ایچنده ولطیف بر کولک کنارنده ایدی . ایران فن معماریسنک اک مکمل بر اثر جدیدی اولدینی ایچون اوزاقدن کلوب کچنلرک مراقنی ونظر دقتنی جاب ایدیوردی . ظریف ستونلرله ، قیمتدار ، رنگین جینیلرله نادیده یازیلرله تزین اولونمشدی . بدیعه نماطرز معماریس ایله اسکی تاریخی سرایلرک احتشامنی دها کوچوک برارده تمیل ایدیوردی . بوکوشکک اسمی « آهنگ کوشکی » دی

آهنگ کوشکنک صاحبه سی ایسه بویله دلنشین برکوشکه مالک اولمغه لایق منور بر خانم اقدی ایدی . حربیه ناظرینک کریمه سی ژاله نك صیت وشهرتی ایرانک هان اک کوچوک شهرلرینه وارنجیه قدرانتشار ایتمشدی . هریرده اونک ذکر جمیلی کچیوردی . تحصیل و تربیه سی حسن و آن و ذکاسی قادینلر عالنده مانندسز عد ایدیلیردی .

یک یوکسک بر سویه صرفانه مالک ، غایت عالی فکرلی ، رقیق حسلی ژاله سوزک اک

شموللی معناسیله کنج ایران قادینلق عالمنک المستثنا بر موقع احراز ایتمش بالا بر نمونه سی در دنیله بیلیدی .

ژاله ، فوق العاده کوزل دکلدی . لکن هر قلبی کندینه بند ایده جک درجه ده شیرین و جاذبه لیدی . اونی کور و بده سومامک قابل دکلدی .

ژاله نك والده سی افغانستان امیرینك همشیره سی ایدی . کریمه سی هنوز اون ایکی یاشنده ایکن عازم داربقا اولمش ایدی . چوجق والده سنه پک دوشگون اولدیغدن بو افتراق مؤبد اونك قلب معصومنده پک الیم بر جریحه آچشدی . سنه لر مرور ایتدکجه والده سنك خاطره سی کیتدکجه دها درین بر تعبدله یاد ایدردی . ژاله اوکالقبلاً الی الابد متدار ایدی . چونکه متحسس اولدینی حسیات علویه بی هپ دولت بانودن تلقی ایتشدی .

والده سزقالان چوجق تکمیل محبتنی پدرینه صاردی . حاجی رستم پاشاده کثرت اشتغاله رغماً ژاله یه آیریجه حصر دقت ایتکه باشلادی . یواش یواش کریمه سنك استعداد و قابلیتته حیران اوله رق ، نظارت ایشلرندن آرتدیره بیلدیکی و قتلرینی هپ اونك تحصیل و تهذیبینه حصر ایدر ؛ تعلیمنه بالذات اشتراک ایلردی . زمان مساعد اولدکجه ژاله ایله اوزون اوزادی یه مکالمه لر ، مفید مذاکره لر یاپار ، هر درلو مباحثدن تعاطی افکار ایدردی . — دین و تاریخدن ، علم و مدنیتدن ، ادبیات و موسیقیدن حتی فلسفه و سیاستدن بیلجه بحث ایتمکدن اجتناب ایتزدی . کریمه سی هر وجهه تنویر ایتکده بر حظ درونی حس ایدردی . کوچوک یاشندنبری بویله جدی ، مستثنا بر تحصیل و تهذیب کورن ژاله ارتق سنه لرك ضروریله تمامیه تکمیل ایتمش ، ایچنده یتشدیکی محیط منورک تأثیریه از هر جهت جامع الکمل برخام افندی عد ایدلمک شایان اولمشدی .

ایران فلسفه و اشعارینه تماماً آشنا اولدینی کی تاریخ اسلامک وقوعاته ده آگاهدی . موسیقی یه فوق العاده انتسابی اولدینی کی عالم سیاه - تله ده یاقیندن علاقه داردی . حتی وطنده کی سیاسی زمره لر و فرقه لر دن تمامیه خبردار و قناعتلرینه موافق اوله رق هر برینی آیری نقطه لر دن جدیت و وقوفله تنقید ایدردی . ایرانك استقبالی حقنده پارلاق املاک و یوکسک غایه لر پرورده ایتمکدن کندیسنی اله مازدی . ژاله هم جدی هم ده خیالپرستدی . « عمر خیامک » رباعیاتنی درین بر ذوقله از بردن او قودیغنی ایشیدنلر بر مدت صوکر سیاسی بر باش مقاله بی عینی شوقله تحلیل ایتدیکنه حیرتله ایدر لردی . پدری ایسه بو حاللرندن پک مفتخر اولور .

بعضاً قیزینه « سن نیم زاده عرافتمسك فقط اعتراف ایدرم که تصورمك ده فوقنده بر مکملیته واصل اولدك . » دیردی .

حاجی رستم پاشا کریمه سنی چوق سور، اوندن اصلا آریلمنی ایسته مزیدی . حق هر یاز تبدیل هوا ایچون ژاله نی دایسنه کوندرمکده تردد ایدردی . ژاله نی یاننده الیقویمق ایچون بیک بهانه بولور و هر فرصتدن استفاده ایدردی . فقط والد سنیك کابلدی کی اقامتگاهنی پک سوهن ، هله دایسنه والد سنیك خاطره سندن دولای پایانسز بر محبت بسله یین ژاله نك بو ممانعتلردن پک اوزولدیکنی کوره نك نهایت براییکی آی اذن ویرمه که مجبور اولوردی .

ژاله سنه ده برقچ کره طهران کیدر واوراده پک سودیکی ماء نوربانو ایله غایت خوش و قتلر امرار ایدردی . شاهك کوزل کریمه سی ژاله یه قارشنی جدی بر محبت ابراز ایدر و علویتنی هر وجهه تقدیر ایدرک صیق صیق سراه دعوتله اوزون کونلر یاننده آلیقویاردی . ایشته اوراده ، سرایده بولوندیغی مدت ظرفنده ولی عهد فیروز میرزا ایله کسب معارفه ایتشدی . طهران سراینك مداومی شاه نظام الدینك یکنی ، عموجه زاده سی ماء نوربانو ایله برلکده بیومش و صباوت حیاتی اونکله برابر کچیرمشدی . ولی عهد ماء نور بانودن دها پارلاق بر تحصیل کورمش فکری منور ، سومیلی جسور و اردونك اک غیور برضابطی اولارق طانیلیوردی .

فیروز میرزا اولدن عموجه زاده سنیك حس و آنتی تحسین ایدردی . فقط ژاله یه تصادف ایتدیکی کوندن اعتباراً جهانده اوندن بشقه سنی کوره من اولدی . ولی عهد سلطنت ، حریبه ناظرینك کریمه سنی آمانسز بر عشقه سوییور ، ژاله ده اونی عین محبتله تعزیز ایدیوردی . فقط بو عشق لرینی یکدیگرینه هنوز افشا ایتمه مشلردی . اعترافدن قورقیوزلر مش کی قیلرندن کیزله مشلردی .

\*  
\* \*

متهابلی ایلحقجه بر یاز کیجه سی ژاله ، کوشکک زمین قاتنده وتام کولک اوستنده اوکی واسع و مزین بالقونده عود چالیوردی . . ژاله یالکزدی . . .

بالقونده کی نادیده ، اینجه یشیللر ، یوکسک مختلف اغاجلر اوتیه برویه کولکه صالهرق صنعتکارانه تزین ایدلش بالقونه بر آصمه باغچه حالی ویریوردی . ظریف چینیلی ورنکین مینه لی ساقسیلرده کی چیچکلر هوایه باغین قوقولر نشر ایدیورلر . کیجه یی مست

آور نوازشرلیه صاریورلردی . اورتاده خلیا آلود بر حال ، طاتلی بر سکون حکمفرما ایدی .

ژاله گاه مهتابی سیر ایدرک یاواش سسله تغنی ایدیور . گاه دالغین دالغین کولک سطح منورینی سوزیوردی .

کولنه قدار را کد کورونیوردی . اوکیجه ، حقیقی بر آینه کی پارلاق ودرغونندی . طبیعت ، مهتابک سیمین پوسه سیله مست اولمش کی باغیندی .

ژاله ، قارشوسنده لطافتنا اولان بولوحه بهشتی بی بر مدت سوزدی . بو شاعرانه تماشا بر مدت دوام ایتدی . نهایت عودینی تکرارالنه آلدی وکندینه خاص اولان لطیف ادا ایله خوابیده طبیعتک عاشق سیاسی قارشوسنده پک سودیکی بر هوایی آهسته آهسته چالغه باشلادی .

چالغینی غایت یانیق بر نغمه عشق ایدی . ژاله ، او آندء روحنک بتون قابلیت حساسیه سیله اجرای آهنگ ایدیور . پارمقلری ، عودک تلارینی اوقشیه رق اوئی قونوشدیر یورء آغلایوب ایکه تیوردی . . بر مدت بویله جه چالدی ، چالدی . صوکرای ایچی چکرک سسزجه ایاغه قالقدی . چالغینی هوانک فسونی روحنه تماماً حلول ایتشدی .

ژاله ، بالقونی صاران یشیللکله ، کوله نظرلرینی دیکدی . اوزون اوزون بونلری سیر ایتدی . تماشا سندن بزیلیه جک قدر لطیف بر منظره ایدی . صانکه هواده اهتزاز ایدن بسته نك سحريله قارشیسندءکی کولک کوموش رنگلی صولری بوسبتون دورولمش ، کیجه نك مبهمیتنه قاریشان آه وانینلری حالا کولک صولری اوستنده اینجه رعشه لر حالده قوشیورلر کی ایدی .

ژاله متفکر ومبهوت باقیوردی . صکره دوردینی یرده بردنبره تتره دی . چونکه ناکهانی برصدا کیجه نك سکونتنی اخلاص ایتشدی . پروازک اویمه لرینه طایاندی ، قتله دیکله دی . بوسس ارقه سندن ، بالقونک اوته کی اوجندن کلیوردی . هان او طرفه دوندی وباقدی ، فقط ایلروله مک اقتداری منسلب اولمش ، پروازک کنارنده حرکتسز قالشدی . فیروز میرزا بالقونک دیگر طرفدن کلیور ، یشیللکله آرمسندن کچهرک کندیسنه دوغرو ایلرولیوردی . فیروز میرزا « ژاله ، سنی دیکله یوردم . » دیدی . ژاله ایسه آنجق « سز می افندم ، دیمکه مقتدر اوله بیلدی . اوقادار دوکا قالمشدی . فیروز میرزا طاتلی بر

تبسمه « اوت بن ا شاشیورسك دكلى؟ فقط بوب تهك كفته لرني نچون تغني ايتمهك؟  
ديه صوردي . ژاله نفس قادار خفيف برسسه « پك اي بيلموردم » جواني ويردي  
بونك اوزرينه فيروز ميرزا « اويله ايسه ديكه ، اونلري سكا بن اوقويهيم » ديدى و ژاله نه  
يوزني تماميله كوره بيلمك اچون اونا بر آز دها ياقلاشدى و كوزلرني كوزلرينه نصه  
ايدرك مؤثر برسسه تغنيه باشلادى :

بن كوكل صامق ايستدم . هيهات ، قابلى اوسنك جمالكله مالا مال . كوزلرني س  
فدا ايتك ديلدم نورافسونكاركله لمعان ايتديلر هله روحم ، سنك معتبر نفسنه ن خلق ايدانه مش  
اولسه يدي ذى قيمت بر بخور كي اوني پايكاه طراوتكده ياققوله نه قدر مسعود اولوردم..  
ژاله مبهوت ديكه يوردي : بوبر رؤياي يوقسه قارشوسنده دوران و كنديسني محرق س  
تسخير ايدن حقيقه فيروز ميرزامي ؟ حيرتلى اچنده ايدى .

فيروز ميرزا : « كفته سي بسته سي قدر روحنواز دكلى ژاله ؟ » ديه صوردي . ژاله  
« اوت ديدى فقط اقدام سرك سسكز نه قدر كوزل ! بويله استادانه تغني ايتديكيزه  
هيچ بيلموردم . » فيروز ميرزا « يابن سنك بويله ماهرانه عود چالديغي بيلمورم ايدم  
كوردكمي ؟ بوكيجه بورايه كلم نه اي اولمش » ديدى . ژاله تبسم ايتدى و صوكر « بورا  
نصل ونه اچون كلديكيزه » ديه سؤال ايتدى . فيروز ميرزا بشوشانه جواب ويردي .  
نصل مي ؟ بيوك سياحت اوتوموبيلمه ! هم كوره ايدك نصل اوچه اوچه كلدم ! اصفها  
بن باشقه درلو كله بيلمورم يم ؟ نه اچون كلدم ؟ شاهك بر امرني درحال پدريكيزه بالذار  
ابلاغ ايتكه كلدم . كنديسني سلاملق دائره سنده كورددم ، بوكيجه بيوك برضياقتي وارمش  
بيلموردم ، فقط نه ياپهيم ! الديغم امره امثال ايتك مجبوريتده ايدم . بر آزدن حربه  
ناظريله برلكده طهرانه عودت ايدم جكم . بوسنه ياز تعطيللري بيلمم خوش بر صورتد  
كچه جكمي ؟ همده آز دها اونوته جقدم ! ذاتاً سني كورهك عقلى باشنده . قاليرمي  
كوشككه قدر كلم اچون براحتياج مبرمده واردى . اوليه ايدى ينه برسبب ايجاد ايدردم يا  
هرنه ايسه بودفعه ماه نوردن سكا بر مکتوب كتيردم ، غالباً سني سرايه دعوت ايدير  
همان يارين حاضر لئوب كلى سك . سني اوراده هر كون كورملى يم ! ايشيدورميسك ؟ ه  
كون ! چونكه بلكه سندن اوزون بر مدت اچون محروم اولاجم » ديدى .

ژاله بوسوزلري ايشيدير ايشيتمز حيرتدن حيرته دوشدى . « بو نه قادار اسرارانك

بر لسان ... پدرم بویکیجه کیدیور . بنی سرایه ایستیورلر ، سزك ناکهانی بر صورتده  
 بندن .. نصل دیهیم ، اوت تعبیر مخصوصکیزله محروم اوله کنز ! بونلر نه مهیم شیلر ...  
 آمان رجا ایدرم لطفاً ایضاح ایدیکنز ... هر نه قادر ماه نور سلطانی کوردجکم  
 کلدیسه ده ، بنم کابله کیتمک زمانم تقرب ایدیور ، بیلیرسکیز که هریاز اورایه کیدرم .  
 دیدی . فیروز میرزا شدتله سوزینی کسهرک کابله می ؟ یوق ! بو اصلا قابل دکل ، دیدی .  
 ژاله بوسبتون تعجبله « لکن دایم بنی بکلیور » دیدی . بونک اوزرینه فیروز میرزا اولکنندن  
 دها قطعی برادا ایله « خان ، بویاز سنی بکله میور . » سوزلرینی فیلا تدی ژاله مراقله « امان  
 اقدام دایمه می برشی اولدی ؟ اه عشقنه سویله یککیز » دیه اصرار ایتدی . فیروز میرزا  
 برآز تردد ایتدی . صوکر اعتدال دمنی محافظه به چالیشه رق دها سا کن بر طورله « خایر !  
 بو آنه قدر برشی اولدی ای در . لکن احتمال که بیوک بر تهله که قارشوسنده بولنیور .  
 بوندن زیاده ایضاحات ویرمه که حق و مأذونیتیم یوقدر . حقیقتی یارین بالذات شاهدن  
 ایشیدیرسک . آمان نه قدر قورقدک ! افغان امیرینه قلباً بودرجه مربوط اولدیغکی بیلیمزد .  
 حیاتک غریب جلوهری وار ! فقط بونک قدر اجیسنی خاطر مه کتیرمه مشدم » دیدی ،  
 ژاله کال یأس ایله « فقط اقدام اگر دایم بیوک بر تهله که قارشوسنده بولنیورسه باری او  
 تهله کی سز کندیسنه بیلدیرک . حتی اونی سز قورتارک دیه رجا ایده جکم . سز مقتدر  
 و غیورسکیز ! زواللی دایم بلکه بولندیغی موقعک دهشتنی کورمیور ، ویا خود درجه سنک  
 فرقه وارمیور . آمان امدادینه یتیشه لم . » دیه نیازه باشلادی . فیروز میرزا عظیم بر جبر  
 نفسله « ژاله سکا رجا ایدرم بویچته کیریشمه ، بویکیجه سکا برشی سویلیه م . مراق ایتمه ،  
 وضعیتی ا کلامق ایچون یارینه قدر بکله مک ایجاب ایدیور . امینم که یارین حقیقته واقف  
 اولدیغک وقت بو قادر تلاش واستعجال ایتدی که نادم اوله جقسک ! همده استرحام ایدرم ..  
 بوراده قاله جغم بوصوک دقیقه لرك فسوتنی هیچ بر خیال مؤلم ایله قرار تمیه لم ! باق شو رؤیا  
 آلود کولک اطافتنی کوریور میسک ؟ شومهتابک سحرینی حس ایدیور میسک ؟ کیجه نک  
 خفیف نوازشلرینی ، مسکر رایحه لرینی دویور میسک ؟ اره صره وزان ایدن غشی آور  
 روز کارک نغمه سنی ایشیدییور میسک ؟ ژاله بویکیجه فضا ده دالغالانان عشق نینسی بنی ده  
 تأثیری الته آلدی ، قلبه قدر ایشله دی . شمیدی روحم هواده اهتزاز ایدن عشقه برابر  
 ترنم ایدیور . سرمی سکا دها افشا ایتمک نیتنده دکلم ، چونکه زمانی هنوز کلامشدر

دیوردم . فقط نه یاپه یم عشقمی سکا آچق ایچون بو کیجه دن دها فسوونکار بر گیه  
تصادف ایده جکمی یم ؟ ظن ایتیم ! هم موقع هم حال هم ده کیجه نک لطافتی عشقه  
سویه سنده ، کعبنده در ، عشقم قدر باند ، کوزل وعظیمدر ، ایشته کوریورسک که طبع  
شعرینه بزده قاریشداق ، بومستنا لوحه ایله امتزاج ایتدک ، هم وجود اولدق ! بوز  
سوز سویلک ایچون بن سکا انجق بویله بر کیجه ده خطاب ایده بیلیرم : زیرا سن موجود  
طراوتی اکال ایدیورسک .. روحم « بویله بر کیجه ده بنم سکا یکانه سویلیه جکم شو  
ژاله سنی سویورم . » دیدی .

بوصولک سوزلری تلفظ ایدر کن فیروز میرزانک سسی تتره دی ؟ ژاله یه بر آرز دها یاقلا  
سویله ، سویله ایکی کوزوم سن ده بنی سویورمیسک ؟ دیه سوال ایتدی . ژاله  
میرزایه اوزون اوزادی یه باقدی . مدت عمرنده بویله بر کیجه تخیل ایتمه مشدی .  
فضاده کی هوای عشق ، تکمیل کائنات وموجوداته سرایت ایتمشدی ! نهایت « اوت  
اوت ، بن ده سزی سویورم » بونک اوزرینه فیروز میرزا ارتق کن دیسینی ضبط ایده  
« آه ژاله » دیدی . « بن سنی مجنونانه برسودا ایله سویورم » هم عشقمی سندن کیز  
ایچون نه قدر جبر نفس ایتدم . فقط صاقین بوسرمزی کیمسه طویماسین ، استه  
ایتمه لم ، زمان مناسبده کیدم کیدر سنی شاهدن طلب ایدرم ، اووقت اعتراض  
امیدنده یم ؟ شمدی پدر که بیله سویله رجا ایدرم . فقط هیات دقیقه لر کچور ، بن ده  
کیتلی یم . . لکن اولجه مساعدده ایدر ایسه ک بو اتفاقنامه منی بوراجقده مهرلیه  
اولمازمی ؟ دیه یالواردی . وژاله یی اوزون اوزون در آغوش ایدرک مدید وروح  
اشتیاقله سوه سوه اوپدی .

فیروز میرزا کیتمک اوزره ایکن ژاله یواشجه التدن طوتدی و بر آرز مترد  
« ماه نور » دیه سوال ایتدی . فیروز میرزا حیرتله « ماه نور می ؟ نه دیمک آکلامیو  
دیدی . ژاله اولکنندن دها یواش برسسله « یا اوسزی سویور ایسه » دیه ایملک  
اکال ایتدی . فیروز میرزا بوسبتون شاشیره رق « بنی سویورسه می ؟ یوق جانم ظ  
هم اساساً بن هیچ بویله برشی حس ایتدم برده نه یه بنی سوسین . ژاله ! بن سکا  
ایدیورم سن ده بنی سویورسک ، سعادت مزایچون بوکافی دکلی ؟ کوزل جانکی اوزمه ،  
ایملک کوردیکم کیجه دن بری جیلغین بر محبتله ، حریصانه ، ساکنانه سویورم . بر

کیجەسی ایدی، سەندە سەرایدە ایدک، خاطر لیسورمیسک؟ او کیجە بر آفت کی ایدک، دیدی. ژاله اعتراض ایدرک، فقط عمو جەزادە کز بندن کوزلەر، هله اوضیافتدە هر کسک نظری اوکا مر کوز ایدی « دیدی و کندی کندی » زواللی ماه نور « دیه علاوه ایتدی. فقط فیروز میرزا بوصوک سوزلری ایشتمە دیکی ایچون « بتم نظر لرمدن بشقە » دیه جواب ویردی. بواشنادە جاریلەر کلدی وبالقونک ایشیق لری یاقدیلر. عقیندە ژاله ایله فیروز میرزا رستم پاشاک قپودن کیرە رک قیزینە متوجهاً کادیکنی کوردیلر. « ژاله دیدی، بن میرزا حضر تریله کید، جکم مستعجل برایش وار، حضور شاهیدە شرفشوله نائل اولە جغم. سەندە یارین کل قیزم، بورادە قالە، فقط سەرایە کیتمەدن اول بزم قوناغە اوغرا، سنی کورمک ایسترم یاوروم. » دیدی وقیزینک آلتندن اوپەرک ولی عهده ایله بر لکدە قپودن چیقدیلر.

[مابعدی وار]

قەریبە مەسین

### چولده بر سجدە

برصامان حصیرک وستندە عشیرت رئیسە سنک چپلاق آیاغی آلتندە بر کوپک یاوروسی کبی ذلیلانە یاتیوردی. کوچوک وجودی برەر، شیش و دکنک ایزلری ایچندە خرابدی. بتون قلیله ظفر شنلکی ییارکن، او آجیلردن ایکایوردی و قورقودن سسنى آچالتیوردی.

بویوک بویوک آتشلر یاقیلمش، چولک سامی ضیادار بر قبه یە دونمش و هر کیجە یشیل ایشیق لره ینان ییلدیزلر کورونمز اولمشدی. قبیله أفرادی بلارندە سوسلی طاشلردن یایلمش کرلر، اوموزلرندە یاریل یاریل ینان جنیه لرله وقادینلر اک بهالی قوقولر سورونەرک، جنکا ورلره صاریلارق هپ بو آلورک أطراقندە جوشا جوش رقص ایدیورلردی. اورته لرندە عیتمتلر ویانمش أسیر کیمکاری، شهیدلر دوریوردی. اک کوزل وارزو ویرن شرقیلری اک بیوک سونجیله او قویورلردی. عشیرت رئیسە سی خرما دالندن یایلمش ویومشاق توپلرله دوشە نمش راحت سریرندە بو عالمی کوزلری پارلیارق سیر ایدیوردی. او، رئیسە نک آیاغی آلتندە، کوزلری یاری قپالی، ایچینی چکە چکە یوزینی قیزغین قوملره سورویوردی..

بو قبیله دن قاچدیغی ایچین دوولمشدی. چونکە، کندی قبیله سنندە یشارکن، بر کون دستیسيله قایناغە صو آلمغە کیتمشدی. کندی کندی ایرماغک سدی اوستندە شرق سویلیه رک و هندستان جویزی قپوغنی او یارق تکه نه یامغە اوغراشیوردی. یانجی بر عشیرتدن بر قافله وخشی حیوان آوینه چیقمش اولاجقدی. اورادن کچرکن کوچوکک سسنى ایشتدیلر. بکنه رک درروب دیکلیدیله صوکره آرالرندە کیزلیجە قونوشدیلر، اونک یاننه کلدیلر. بر چوق کوزل شیلر، جویز و بول وعد ایدەرک پانلرینه آلدیلر. اوکون آقشامه قدر دوو قیلندن یایلمش بر طوربا ایچندە کزدی.